



www.desertinabulls.ch

Protocol dils 14 da matg 2022

Radunonza generala en Sala Fontauna

Presents	44
Perstgisas	---
Extradas	Andrina Cathomen, Andreas Huonder, Ramona Venzin
Abdicaziun	Luca Zanetti, Ursina Bearth, Andreas Huonder, Severino Giger, Gian Fankhauser

Tractandas

1. Beinvegni ed appel
2. Approbaziun dil protocol dils 8 da matg 2021
3. Rapport annual dil president
4. Rendaquen e rapport dils revisurs
5. Preventiv 2022/23
6. Fixaziun dallas contribuziuns annualas per ils commembers
7. Elecziuns, reelecziuns
8. Rapports dils trenaders
9. Orientaziuns e decisiuns
10. Varia

1. Beinvegni

Il president Adrian Flepp arva la radunonza generala allas 17.35 uras e fa in cordial beinvegni a tuts presents. El menziuna las perstgisas per la radunonza. La suprastonza prelegia las brevs dils commembers/ras ch'extreschan dall'uniun ni abdicheschan d'in post.



www.desertinabulls.ch

2. Approbaziun dil protocol dils 8 da matg 2022

Il protocol digl onn vargau ei vegnius tarmess tier digitalmein als commembers suenter la radunonza generala digl onn vargau.

Damondas ni remarclas tier il qual dat ei neginas.

Il protocol dalla radunonza generala digl onn vargau vegn approbaus unanimamein.

3. Rapport annual dil president

Preziadas commembras, preziai commembers, stimai collegas dalla suprastonza

Ei fa a mi fetg grond plascher da puspei beneventar vus tier la radunonza generala da noss'union. E quei cun vus ensemen, oz cheu ella Sala dil Center Fontauna, suenter nies preferiu di dal club.

Cun la radunonza dils 8 da matg 2021 ei la vedra sesiun stada serrada giu e l'actuala ha entschiet. Suenter 2 onns eis ei puspei stau pusseivel d'entscheiver la sesiun cun confidanza e motivaziun. Gie ins ha sentiu igl inschign ellas differtas equipas. Tgeininas pli fetg, tgeininas pli pauc. Mo plascher haveva mintgin da puspei salontadar ella halla da sport. Tuttina eran entginas damondas aunc aviartas, schebein la sesiun ha liug sco usitau ni buc. Abstrahau dalla pintga interrupziun navenda ils 20 da december 2021 entochen ils 12 da fevrer 2022, havein saviu frequentar l'entira sesiun ed oz savein serrar giu ella, plascheivlamein cun il di dal club e la radunonza generala. Quei fa a mi fetg grond plascher.

All'entschatta dalla sesiun han las equipas giu differentas svidas e damondas aviartas. Las junioras B che han giu fetg pauc experientscha da campinadi. Ils giuvens dils juniors B che savevan buc tgei che spetga els als turniers. Ils umens che han puspei stuiu semover sil plaz pign ed era la damas cun ina nova e gronda equipa. Cun adina puspei perseguitar las equipas e lur resultats, ha ei fatg fetg grond plascher da veser il svilup da mintga squadra. Cunzun era dallas duas equipas da juniors. D'ina vart il success cun in fetg bien secund plaz e resultats da 15:1 tier ils juniors, e da l'autra vart tier las junioras che han fatg bunas experientschas al campinadi cun quater victorias e 2 paris, mo cunzun scaffiu in spert d'equipa sc'ina unitad. Las equipas dils umens e dallas damas han era contonschiu entginas finamira cun buns resultats sco era fatg in fetg bien svilup durant la sesiun. Las equipas dalla mesjamna sera han fatg buna lavur. Ei fa plascher da mirar tier als trenaders dils kids, sco els cuntentan numerus affons e portan pli datier ad els nies sport d'unihoc. Tgi sa, forsa han els entschiet a sliffar entgins diamants per nossas actualas equipas. Dalla vart dils seniors mantegn l'equipa il s'inscunter in cun lauter ed il sport per ils ulteriurs commembers activs. Jeu less buc prender anavon memia bia. Ils detagls da mintg'equipa vegnan ils trenaders a presentar en lur reports.



www.desertinabulls.ch

Pia less prender cheu il plaid per engraziar fetg a vus, preziai trenaders, per vossa lavur exemplarica. Igl engaschi e la motivaziun eran adina avon maun, quei ch'ins ha era sentiu fetg vid ils giugadurs. Ei ha fatg a mi fetg grond plascher da perseguitar las squadras ed ils commembers duront ils trenaments en halla da sport.

Jeu less aunc comunicar in giavisch che stat a mi a cor.

Noss'uniun viva dallas commembras e dils commembers che han plascher vid igl unihoc, sco era dallas persunas cun lur incumbensas ella uniun. Senza quellas persunas funcziunescha ei buc. In factur essenzial per nossa uniun ei la recrutaziun d'affons per las equipas da juniors sco era dils kids. Gest suenter ils davos dus onns ei quei impurtont. Senza ils affons dat ei era buc las equipas da damas ed umens el futur. A mi stat ei a cor d'investar e porscher dapli per ils affons da nies vitg e dall'entira regiun. Quei en fuorma da trenaments en differentas vischnauncas, eveniments ed occurenzas spezialmein per affons e giuventetgna. Igl intent ei da scaffir in liug ni era ina cuminonza nua che in e scadin sa prender part, e quei buc mo a Mustér. Miu giavisch ei d'anflar persunas che vulan s'engaschar per ils affons e la giuventetgna. Quei sco trenader ni en in'otra funcziun. Nus tscherchein era oz persunas per differentes posts. Ei legrass mei fetg, sche nus vegnin oz d'occupar tut las plazzas libras. Cun nossa lavur sco suprastonza ed igl agid da vus, sun da ferma perschasiun, ch'ins vegn da contonscher quellas finamiras cun intec lavur.

Sco davos less engraziar a tut las commembras, ils commembers, trenadras e trenaders, collegas da suprastonza, persunas dalla organisaziun e lur posts, sco era als geniturs per lur engaschi, pazienza e fideivladad enviars l'uniun.

Per la sesiun 2022/23 giavischel ad ils trenaders bia success cun lur equipas ed a tut las giugaduras ed als giugadurs bia plascher ed engaschi per ils trenaments ed ils campiunadis. Gu-di ei hacias plascher vid il sport e la cumpignia.

President dil club d'unihoc Desertina Bulls

Adrian Flepp



www.desertinabulls.ch

4. Rendaquen e rapport dils revisurs

La cassiera Fabiana Bearth presenta il quen dalla sesiun 2021/2022. Suandont entginas ex- ni entradas dalla davosa sesiun.

- Contribuziun dalla vischnaunca da Mustér
- Contribuziun dil BASPO
- Lavur cumina ha buc giu liug
- Neginas expensas buc previdas

Il quen dall'unìun siara cun in gudogn da **frs 8281.83**

Il revisurs Beat Hosang e Yannick Flepp han examinau il rendaquen e han constattau, che tut las cudischaziuns ein accumpignadas da quittanzas e ch'il quen corrispunda als statuts.

Il rendaquen vegn approbaus unanimamein.

5. Preventiv 2022/2023

La suprastanza ha mess ensemen il preventiv per la sesiun 2022/2023.

- Semaglions sco onn vargau
- Occurenzas internas (Fiasta da 30 onns)
- Promoziun da giuventetgna
- Turnier da notg
- Label Kinderunihockey

La suprastanza quenta cun in gudogn da **frs 225.-**

Il preventiv 2022/2023 vegn approbaus unanimamein.



www.desertinabulls.ch

6. Fixaziun dallas contribuziuns annualas per ils commembers

Las contribuziuns annualas restan tuttina sco entochen dacheu:

- Umens e Damas plaz grond CHF 200.-
- Junior/As plaz grond CHF 150.-
- Junior/As plaz pign CHF 100.-
- Seniors CHF 100.-
- Kids CHF 50.-

La proposta vegn approvada unanimamein

7. Elecziuns/reelecziuns

Suprastonza

President

Adrian Flepp (**eleger per dus ulteriurs onns**)

Cassiera

Fabiana Bearth (**eleger per dus ulteriurs onns**)

Actuar

Ursin Deflorin

Revisiun da quen

Beat Hosang (**eleger per dus ulteriurs onns**)

Yannick Flepp

Organisaziun

Responsabel da trenaders

Silvan Giger

Responsabla da material

Tamara Derungs (**eleger niev per dus onns**)

Turnier da notg

Kai Hinrichsen

Severino Giger

Alexandra Flepp



www.desertinabulls.ch

Gruppa da lavur per occurenzas (niev)

Adrian Flepp
Annalea Candinas
Corina Venzin
Anna Selina Quinter
Noah Giger
Beat Simonet
Luca Zanetti

Internet/Medias/Reit sociala

Flavio Steger
Silvan Giger
Trenaders

Trenaders per equipas

Umens

Provisoric Adrian Flepp
(Joey Manetsch)

Damas

Silvan Giger
Noah Giger

Juniors B

Livio Cajochen
Beat Simonet

Junioras B

Selina Giger
Noemi Zanin

Kids

Placi Flury
Vaccant

Seniors

Kai Hinrichsen

Tut las elecziuns e reelecziuns vegnan approbadas unanimamein. In grond engraziament per vies engaschi ed vossa lavur prestada.



www.desertinabulls.ch

8. Rapports dils trenaders

Per ils umens da 4.ligia da Andreas Huonder e Severino Giger

La sesiun vergada era l'emprema sesiun suenter onns che havein dau plaz pign ella liga. Nus havein entschiet sco usitau cun il trenament da stad. Ils 25. da zercladur ha ei giu num l'emprema gada nuar las tschappas per ir a cuorer e quei havein tratg atras entochen miez uost. Naven da lura havein fatg trenament en halla ed essen sepinaì per la sesiun ed ils campunadis. Sunter la interrupziun dalla sesiun 20/21 era la motivaziun gronda da puspei semiserar cun novs adversaris e quei ei era semussau suenter l'emprema runda. Nus havein recaltgau 3 puncts (7 :7 / 10 :5) ell'emprema runda ed igl ei iu vinavon aschia. Dils emprems diesch giugs havein spiars sulettamien 2 giugs e dau in pari. Tut tshellas rundas havein gudignau ed essen aschia stai in liung temps sin plaz in ella tabella. In novum per il team dils umens dad haver aschi bia success! Ella pausa d'unviern essen ir sco secunds dalla tabella cun sulettamein in punct distanza sigl empren e cun la secund meglera bilantscha da gols. La runda dil schaner ha stuiu vegnir dada giu muort il C. La secunda mesadad era ida vinavon ella medema lingia e nus essen vegnir da tener il secund plaz tochen suenter la runda da casa. Sulettamein la davosa runda ha muncau per haver ina "perfecta" sesiun, denton en quella havein cun disletg ed aunc in accident stuiu dar giu nies plaz. Serrau giu havein sil tschunavel rang, tgei che reflectescha buc la buna prestaziun dil team durant igl entir onn. Denton essen nus fetg cuntents cun quei resultat e las prestaziuns da mintgin!

La sesiun vergada ei era stada in niev record cun sittar gols. Il team ha sittau 99 gols (emprems quarters dil scorer board intern han marcau ensemen 68 gols!), da quels ha il topscorrer Severino marcau 26 (2. Balzi/21, 3. Andreas/11, 4. Cedric/10). MVP dalla sesiun vergada ei Fabio Deragisch vegnius che ei staus presents a 55 da 65 trenaments e campunadis (2. Beat/54, 3. Livio/49, 4. Severino/47)

La motivaziun ei stada buna durant l'entira sesiun, nus havein giu avunda gleud (en media 7 giugadurs ed in goli) ed havein saviu trenar e seschviluppar vinavon. Quei drova ei era, pertgei proxima sesiun vegn ei a dar entginas midads. Cedric e Luca astgan passentar lur survetsch alla patria e vegnan entras la recruta munchentar ina gronda part dalla sesiun. Vinavon vegn Severino ed Andreas a penden lur carriera sco giugadurs activs vid il crutsch. Denton savein prender integrar entgins juniors el team dils umens e Danilo vegn a returner suenter siu cungedi.

Per la nova sesiun giavischein nus al team in ferm HOPP BULLS e vinavon massa buns giugs cun biars gols e bien success.



www.desertinabulls.ch

Per las damas 2. ligia da Silvan Giger e Noah Giger

Sco εμπrem lessel far in grond compliment a vus trenadras/trenaders dils juniors. Per l'emprema ga dappi biars onns haveis menau ina equippa da juniors e junioras sin campjunadi. E negin havess tertgau che quei funcziuneschi aschi bein. Domisduas equippas han fatg in enorm svilup e quei cunzun muort vus trenaders.

*Per l'emprema ga ei l'equippa dalla U21 vegnida mess ensemen cun l'equippa dallas damas. Cun in cader da 28 giugaduras havein nus entschiet la sesiun. Cun 5 golis eran nus mess si fetg bein. Aschia ha Noah Giger surpriu da trenar ils golis, **engraziel fetg da tei Noah per tia lavur!** ed jeu sundel staus responsabels pils trenaments dallas giugaduras. La finamira era da vegnir zanza denter il 5'avel ed igl 8 avel plaz ella tabella. La stad havein nus fatg in camp da trenament a Mustèr e dau in giug amicabel encunter las anteriuras. (Damas che devan avon entgins onns unihockey.) Avon che la sesiun ha entschiet havein nus aun dau in giug amicabel encunter l'equippa dalla U21 da tavau. Igl εμπrem campjunadi ha lu giu liug ils 12.09.21 a Schwanden. Tuppamein spitgava grad il pli malemperneivel adversari sin las damas. L'equippa da casa dils Hurricanes Glarnerland. Tuts eran fetg nervus, inclusiv ils trenaders, per quei che negin saveva proppi nua che quella nova equippa sesanfla, con ferma ch'ella ei e co nus vegnin atgnamein da tener cun cun tshellas equippas. Igl εμπrem giug havein gudignau cun 1:3 ed aschia era in grond crap giu da dies. L'equippa ha funcziunau sco giavischau. Mo cuort suenter havein nus survegniu mussau si ch'ei maunca aunc bia sche nus vulin aun far in ni lauter punct quella sesiun. Cun in clar 0:6 havein nus spiars il secund giug encunter Gossau. Ils proxims campjunadis havein nus adina puspei saviu gudignar giugs. L'emprema gronda victoria havein nus giu la tiarza runda da campjunadi a Gossau. Leu havein nus giugau encunter Laupen, il cappo grappa ed UH Appenzell, il secund dalla tabella. Encunter Laupen havein nus dau ditg damogn, gie schizun ira cun 1:0 en avantatg. Il davos havein deplorablamein spiars cnapp quei giug cun 1:2. Persuenter havein nus lu dau damogn dallas secundas UH Appenzell e gudignau gliez giug en in crimi cun 4:3. Tochen nadal ha corona schanegiau nossa equippa. Suenter ha ei denton era pigliau nus e nossa equippa. La 6 avla runda ei vegnida strihada muort corona. Ils 13.02 havein nus lu giu il pli grond highlight dalla sesiun. Finalmein han las damas puspei astgau dar ina runda da campjunadi a casa. Ils dus trenaders han schau dar el tgau ina speziala sorpresa per motivar l'equippa. E prompt ha quei purtau fretg. La giuvna equippa ha dau dus genials giugs e faszinau il publicum a casa cun in atractiv e bi unihockey. Cun duas claras victorias han ellas recaltgau per l'emprema ga 4 puncts. La davosa runda havein nus lu aun inaga giu in liung viadi tochen a Schaffusa. Nus essan schon ira la sera avon a Schaffusa, stai a tscheina e dau ina partida bowling. Ils dus giugs ein lu bu pli stai aschi suveräns, havein denton tuttina saviu purtar 3 ulteriurs puncts a casa ed aschia serau giu la sesiun sil bien 5 avel plaz ella tabella cun 16 puncts. 7 giugs havein nus saviu gudignar, 2 paris e 7 giugs havein nus spiars. Duront ils trenaments essan nus adina stai avunda giugaduras e golis. In grond compliment dall'entira equippa per quella sesiun. Tuttas vegnevan adina fetg motivadas a trenament e l'entira equippa ha fatg in grond progress. Deplo-
rablamein havein nus stuiu dar adia dad entginas rutinadas giuvnas. Per proxima sesiun havein nus aunc 23 giuvnas el cader. Per promover las junioras vegninsa aunc a prender ina ni lautra dallas junioras cun nus damas a trenament e forsa era ina ni lautra ga a campjunadi.*



www.desertinabulls.ch

Per las junioras B da Selina Giger e Noemi Zanin

Entschatta uost han las junioras B cumenzau la sesiun d'unihoc 21/22. Damai ch'ils resultads dil sulet campinadi dalla sesiun 20/21 ein stai fetg aults (29:1 e 17:4), era la devisa clara: haver plascher, rimnar experientscha e zacu far minimum in punct. Las junioras han trenau cun fetg bia ambiziun ed eran fetg savens a trenament. Igl emprem campinadi han las giuvnas spiars omisdus giugs. Il secund campinadi han ellas denton fatg surstar tuts. La giuvna equippa gudogna igl emprem giug e quei cun in 5:0. Il plascher e la motivaziun ein naven da cheu strusch pli da tener. Las giuvnas han muossau lur potenzial e la fin finala vegnan ellas da far dus paris e gudignar quater giugs. La finala siaran las giuvnas giu cun 10 puncts sin il 9. plaz.

Per la proxima sesiun ei previu da far ord l'equippa dallas giuvnas ina da junioras A.

Ei fa zun fetg plascher da trenar aschi ina motivada equippa. Engraziel fetg per vies grond engaschi e cunzun in grond engraziel fetg alla Noemi per il grond sustegn che survegnel da sia vart.

Per ils juniors B da Livio Cajochen e Beat Simonet

La sesiun culs juniors B havein nus entschiet ils 16 d'uost. All'entschatta dalla sesiun savevan nus aunc buca tgei che spetga nus. La damonda era, sche nus savein insumma dar alla fin la sesiun senza interupziuns. Quei che negin saveva era sche nus vegnin insumma da concurrer cun adversaris.

Igl emprem campinadi, ils 12 da settember ei buca gartegiaus a nus. Vid ils resultas 2:22 ed 8:9 havein nus viu la differenza denter nus ed il adversaris. Quei ha fatg quitaus a tuts sco che la sesiun vegn a veser ora per l'equipa. Sin quels resultats digl emprem campinadi havein nus mussau ina buna reacziun. Il secund campinadi havein nus saviu ir per noss emprems treis puncts. Quels puncts han motivau l'entira equippa ed aschia havein nus saviu ir per ulteriurs puncts. Tier la runda da casa, cun bia aspectaturs che han motivau l'equippa, havein nus saviu ir per ulteriurs quater puncts.

Finamira era da tener vinavon quellas prestaziuns tochen alla fin dalla sesiun. Quei ei gartegiau bein els campinadis. Denton els trenaments era la motivaziun e concentraziun buca adina dil tut cheu.

In dils gronds «highlights» ei la victoria encunter l'equipa UHC Speicher Bears che han sulet-tamein spiars encunter nus.

En tut havein nus saviu gudignar 11 da 18 giugs. Serrau giu han ils juniors sin il fadegiau secund plaz cun 26 puncts. Cun quels resultats savein nus dir che nossa sesiun ei gartegiada fetg bein.



www.desertinabulls.ch

Sco finziun e per festivar ils resultats, essan nus sentupai da magliar tscheina cun l'entira equipa ella Cruna a Mustér.

Damai che nus havein munconza da giugadurs e las differenzas da vegliadetgna ein ualti grondas, havein nus decidiu da buca dar campjunadis la proxima sesiun. La finamira ei dad anflar novs giugadurs e puspei da baghegiar si ina nova equipa motivada per saver puspei dar campjunadis.

Per finir giu il rapport less jeu engraziar fetg al Beat, ils dus Silvans ed agl Adrian, senza lezs vess giu magari miserias. ENGRAZIEL FETG !! Jeu sperel che nus savein continuar vinavon aschia.

Biala sera ed in VIVA.

Per ils Desertina Kids da Placi Flury e Luca Zanetti

Quella sesiun han ils kids entschiet cun lur trenament igl empren da settember. All'entschatta ha ei duvrau in moment tochen che tuts ein puspei stai en, era nus trenaders. El decuors digl onn havein nus astgau beneventar plirs affons ch'eran avon aunc buc stai tier nus, tgei che ha fatg grond plascher a nus. Era bi ei stau da veser il svilup dils affons, seigi quei tiels seniors denter ils pigns ni tiels novizs. Las vacansas d'atun havein nus prolonghiu per ina jamna cunquei che plirs cass da corona eran ella regiun, specialmein denter ils affons en vegliadetgna dils kids. Aschia che havein ils 23.11.21 cuntinuau culs trenaments tochen Nadal e finiu igl onn dad unihockey cun in pign turnier intern.

Igl onn niev ha entschiet cun Omicron, aschia che nus havein puspei interrut la sesiun ed ils trenaments entochen entschatta Mars. Dapi lu havein nus fatg vinavon trenament ed era encunter fin dalla sesiun aunc inaga astgau beneventar pliras fatschas novas. En tut havein nus giu uonn 18 affons dils quals han era 4 giuvnas fatg partida. Mirond anavos savein nus trenaders di ch'gil ei stau ina interesanta sesiun cun bia motivaziun da vart dils affons pigl unihockey. Il davos trenament vegn ad haver liug ils 25.05.22 e silsuenter vegnin nus a finir nossa sesiun ils 04.06.22 cun in di communabel.

Per la proxima sesiun essan nus ensemen cun la suprastanza vid encurrir enzatgi per sustener il Placi Flury sco trenadra ni trenader dils kids, cunquei che jeu (Luca Zanetti) hai miu ser vetsch militaric che cloma. Jeu giavischel al Placi vinavon tonta energia e tschaffen sco tochen dacheu per quella biala lavur culs affons.



www.desertinabulls.ch

Per ils Seniors da Kai Hinrichsen

Sco ils davos onns havein entschiet la stagiun puspei fin october, suenter las vacanzas d'atun. Deplorablamein havein nus lu stuiu interromper la stagiun miez december pervia dallas novas mesiras pertuccont il virus da corona. Fin fevrer havein lu saviu cuntinuar cun nos trenaments. Pervia da different motivs ein ils trenaments lu buca stai frequentai pli aschi bein sco ella stagiun vargada. El mars ed igl avrel havein pliras seras giu breigias da vegnir ensemen cun otg giugadurs. Plinavon havein era mo giu in goalie fix. Perquei havein uonn era assistiu da far nos play-offs usitai. Aschia havein giu ina stagiun cun giugs fetg emperneivels e mo la davosa sera ein lu las emoziuns tier in ni l'auter sedescargadas. Vinavon fetg interessant ei la differenza denter il pli giuven ed il pli vegl senior; Quella ei carschida sin varga 25 onns! Duront las 15 seras da trenament havein nus sittau total 529 goals! Sco finiziun essan nus stai fin avrel a magliar ina pizza ella Stiva Ursus el Catrina Resort. Grond engraziament a tuts giugadurs pigl engaschi!

9. Orientaziuns e decisiuns

Pagas

Il sistem da pagas per trenaders ed arbiters ha midau. Ei dat in niev concept da pagha. Las paghas ein vegnidadas alzadas per tut ils posts ell'uniun. (excl. Suprastonza)

Igl ei vegniu creau ina nova tabella da pagas per ils posts interns ell'uniun. Las pagas ein tuttas vegnidadas alzadas per aschia dar anavos enzatgei per la lavur prestada da talas personas. Quella tabella ei vegnida muossada e declarada als commembers duront la radunonza. La tabella ei accessibla per tuts entras la suprastonza.

Organisaziun

La suprastonza ha decidiu da intergrar il post da sponsoring direct ella suprastonza. Quei ha il motiv che ils bia contacts tier sponsur van sur ils commembers alla suprastonza ni direct alla suprastonza (president).

Vinavon ei vegniu creau ina gruppa da lavur per eveniments. L'idea da quella gruppa ei, che quellas personas oragniseschan events dall'uniun. Sco per exempel il turnier da notg, di dil club ni era events extraordinaris sco in giubileum. La sesiun 22/23 vegn quella gruppa per l'emprema gada mess en funcziun. Sco persuna da colligaziun separticipescha era il president a quella gruppa.



www.desertinabulls.ch

Strategia per il futur

Per il futur stat la promoziun da giuvenils en il focus. La uniun dat peisa sin la promoziun da tut ils giuvenils che han interess da dar unihoc ed che la pusseivladad da trenar resti. Era duess ei dar en auters loghens che Mustér la pusseivladad da far trenaments dad unihoc ed aschia promover il sport ed ils giuvenils.

10. Varia

- Il plaz da Street Floorball vegn puspei installaus
- Inforamziuns davart la sanaziun Center Fontauna
- Lavur cumina 2022
- Lavur cumina dils umens supplementara malgrad munconza d'arbiters
- Turnier da notg 2022
- Di dil sport grischun
- Fiasta 30 onns uniun d'unihoc Desertina Bulls
- Ureglia aviarta per ideas, inputs, giavischs, sustegns, eav.

Finiziun allas 19:25

Mustér, ils 14 da matg 2022
Per il club d'unihoc UHC Desertinabulls

Igl actuar, Ursin Deflorin